



**SKÓGRÆKTARFÉLAG
REYKJAVÍKUR**

Stofnað 1901

Umsögn Skógræktarfélags Reykjavíkur um efnispörf og efnisöflun vegna fyrirhugaðs vindorkuvers á Hælsheiði

Skógræktarfélag Reykjavíkur, sem er landeigandi á Múlastöðum í Borgarfirði, vill koma eftirfarandi athugasemdum á framfæri vegna kaflans **3.2.4 Efnispörf og efnisöflun** í matsáætlun fyrir fyrirhugaða framkvæmd.

1. Skortur á nákvæmri greiningu á efnispörf.

Í matsáætluninni kemur fram að ekki sé unnt að meta efnispörf nákvæmlega á þessu stigi, heldur sé sett fram gróf áætlun sem gefur til kynna að heildarefnismagn geti numið á bilinu 250.000 m³ til 450.000 m³. Slík skekkjumörk eru ósæmileg í matsáætlun og kalla á mun nákvæmari greiningu. Skógræktarfélagi Reykjavíkur finnst nauðsynlegt að fyrir liggi mun skýrari mynd af heildarefnismagni áður en unnt er að meta umhverfisáhrif af slíkri efnistöku.

2. Óljós áform um efnistöku af landi Skógræktarfélags Reykjavíkur.

Í matsáætluninni er gert ráð fyrir að hluti fyllingarefnis sé hugsanlega tekinn úr námunni E45 (á Múlastöðum) eða E80 (á Varmalæk). Skógræktarfélag Reykjavíkur telur þær upplýsingar sem liggja fyrir um fyrirhugaða efnistöku á landi félagsins ófullnægjandi. Ljóst er að hugsanleg efnistaka hefði umtalsverð áhrif á landgæði, jarðveg og vistkerfi svæðisins. Félagið krefst þess að gerð verði nákvæm og gagnsæ greining á þessum áhrifum, auk þess að landeigandi fái tækifæri til að taka fullan þátt í umræðu um áform um efnistöku.

3. Áhrif á landgæði og vistkerfi.

Skógræktarfélag Reykjavíkur lýsir áhyggjum af því hvaða umhverfisáhrif kunni að verða af efnistökkunni sérstaklega ef mikið jarðrask og landmótun verður á landi sem ósnert er í dag. Hver áhrifin verða á vistkerfi svæðisins, þar á meðal jarðveg, gróður og vatnsfarveg, hefur ekki verið nægjanlega skýrt. Félagið leggur áherslu á að skýr greinargerð verði gerð um þessi atriði í umhverfismatsskýrslu. Skógræktarfélagið bendir á að Flókadalsá er í næsta nágreinni og hefur félagið verið að græða upp árbakkann, meðal annars í gegnum verkefnið *Bændur græða landið*. Þá skal bent á að Flókadalsá er laxveiðiá og nauðsynlegt er að meta áhrif framkvæmdarinnar á vatnsgæði og lífríki árinna.

4. Trygging fyrir landgræðslu og landbætur.

Þegar um efnistöku er að ræða á landi sem nýtt er með áherslu á skógrækt og landbætur, telur Skógræktarfélagið æskilegt að tryggt verði að endurheimt landsins verði sinnt á fullnægjandi hátt. Þess vegna óskar félagið eftir því að framkvæmdaraðili leggi fram skýra áætlun um landgræðslu og frágang svæðis eftir efnistöku.

Skógræktarfélag Reykjavíkur telur að fyrirbyggjandi matsáætlun veiti ekki nægilega skýrar upplýsingar um efnispörf, efnistöku og umhverfisáhrif þeirra áforma sem fjallað er um. Félagið hefur einnig áhyggjur af umfangi efnistökkunnar, þar sem 450.000 m³ samsvarar um 37.500 fulllestuðum vörubílum af efni, og telur nauðsynlegt að meta burðarþol vega og umferðaráhrif af flutningi efnisins.

Fyrir hönd Skógræktarfélags Reykjavíkur


Auður Kjartansdóttir
Framkvæmdarstjóri